

**Por la proscima plata dla ploania:
ultimo termo por comunicaziuns: mercui, 5 de jügn, dales 18.00**

Le dotur Eduard Agreiter é demez en jöbia y en vëndres, ai 6 y 7 de jügn y vëgn sostituí dala doturia Grete Mahlkecht 349 06 67 034.

La doturia Grete Mahlkecht vá en ferias dai 17 ai 28 de jügn y vëgn sostituída dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Por che la prozesciun de Jeunn garetés orunse se tó dant:

- I periun düc con devoziun y fedel!
- I tignun ite n bun comportamënt y se vistiun da peregrins (nia braies cörtes).
- I n'orun nia ciacolé tla prozesciun o disturbé a val' maniera.
- Desmostrun cherianza tles ostaries, botèghes y ciases che nes dá alberch.
- Romagnun tl medemo post tla prozesciun y pro le medemo compagn:
an se fej plü saurí da se mëte sò canch'an pëia indò ia.
- Chi che dij dant stá amesa la prozesciun. I se tolun do la spaternöra!
- Al gnará indò partí fora n pice liber cun cianties y oraziuns.

Info da Funes por la prozesciun: <https://tippthek.info/t/villnoess#/section/34516>

SAN MARTIN

En la festa dl Cör de Gejú tignunse a San Martin la Prozesciun Eucaristica.
Les uniuns é dër bel periades da chirí porsones da porté les statues, le cil, y i,i.

Bel dilan dla oferta en recordanza dla defunta Anna Frenes Castlunger da pert de Carlo y Zita Castlunger

En lönesc vëgnel sié dales 18.00 inant la cortina, da bur tëmp le dedolönesc.
Chi che á dlaurela é dër bel peria da gní a daidé.

Invit ala presentaziun dl film documentar "Elevated Art – Wer Kunst auf Berge stellt" en dedolönesc, ai 04 de jügn, dales 20.00, tl Istitut Ladin Micurá de Rü.
La moderadëssa Jasmin Ferdigg nes acompagnará fora por la sëra:
- Presentaziun de SMACH - Pröma vijun dl film documentar - Mësa torona.

Invit a La Val al teater «Amez tru» por i 150 agn dal spostamënt dla dljia jö Plan Murin, che é ai 02/06 dales 17.00, ai 04/06 dales 20.00, ai 09/06 dales 17.00 y 11/06 dales 20.00.

Einladung zum 50-jährigen Bestehen des Hauspflegedienstes Bruneck:
7. Juni um 19.30 Uhr: Buchvorstellung in der Bibliothek von Reischach
8. Juni, Vormittag ab 8.30: Impulsreferate und am Nachmittag ab 13.00: große 50 Jahre Geburtstagsfeier mit Buffet und Musik im Vereinshaus Reischach.

Le Museum Ladin de Tor/Aziënda Museums Provinziai scrí fora: 1 post por le sorvisc tl bar, ince por n studënt o na studënta, 25 ores al'edema; dal mertesc ala domënia, da jügn/messé a set./ot./nov. termo da fá domanda cun curriculum vitae cina ai 10.06.2024, Info info@museumladin.it tel. 0474 524 020



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

02.06. - 09.06.24 n. 27

por l'edema che vëgn: termo por comunicaziuns: mercui, dales 18.00

FESTA DLES ANTLÉS - B



Vangele do san Merch 14,12-16,22-26

..... I discepui â damané Gejú: Olâ desson pa t'arjigné ca le past da Pasca?
Dailò àl ortié dui discepui danfora y ti à dit: Jide tla cité, dailò

I discepui s'á metü sön tru y é rovà tla cité. Ai à urté döt sciöche Gejú ti à dit y à arjigné ca le past da Pasca. Tratan past àl tut le pan y à dit dilan, l'à rumpì, ti al à sport y à dit: Toledé, chësc é mi corp. Spo àl tut le caresc, à dit dilan, ti al à sport y düc à boiü d'infora. Y al ti à dit: Chësc é mi sanch, le sanch dl'alianza, che vëgn spanü por tröc. Amen, i ves diji: I ne boiarà nia plü dl früt dla vigna cina en chël dé, ch'i nen boiarà danü tl rëgn de Dî.



I discepui de Gejú damana so maester, olach'ai pó jí a tigní le past da Pasca. Ai à rajun da damané, deach'ai à pö lascé döt por ti jí do a Gejú. Ai n'á plü nia, por podëi s'abiné sciöche familia a festejé le past da Pasca. Pro che fossi pa sëgn stá ghesc ch'ai ess podü tigní do usanza le past da Pasca? Gejú ti à dé na resposta ch'ai ne s'ess nia aspeté, na resposta che ti mostra ci ch'ai pó y dess fá tl dagní. Ai sará ghesc de Gejú instës. Al formarà cun sü discepui na familia nöia. Pro d'el ciarciarái tl pan y tl vin la saú dla ligrëza y dla liberté. Dala bocia de Gejú aldiarái che so corp y so sanch sará la salvëza y la liberté. I compagns y les compagnes de Gejú jará do süa ressourceziun inant por so tru, mo canch'ai s'abinará tres indò a festejé la salvëza y la liberté, ési y resti ghesc de Gejú, sciöche nos chiló incö. Por la vita te nosc dagní é le pan y le vin dala mësa dl Signur nosta dërta spëisa, le corp y le sanch de Gejú instës nes lascia bele sëgn sintí la saú dl past dl cil.

EDEMA - B	SAN MARTIN	LUNGIARÜ	
02.06.24 FESTA DLES ANTLÉS	8.30 Corona por vocaziuns 9.00 Liturgia dla Parora de Dî	8.00 Mëssa solëna por la Comunité y prozesciun eucaristica (siur Klaus) de rengr. fam. Michael Clara + Vinzenz (post.) y Any Clara / + Florino Mischì + Ida Clara, Mair / + Albina Pezzei, Frëina	 <p>I JUN EN JEUNN</p> <p>I jun por le tru de nosta vita - y insciö ince en Jeunn - nia da susc, mo adöm:</p>
03.06.24 <i>Karl Lwanga y comp.</i> Lönesc			- Dantadöt ti junse do al sëgn dla crusc, ciaran sön Gejú Crist, che vëgn cun nos.
04.06.24 <i>Crista, Werner, Patrik</i> Dedolönesc	<i>degöna mëssa</i>	19.30 Corona tla capela de S. Ojöp Fr.	- I jun deboriada, cun nosc compagn, cun i ëi de nosta ploania y de dötta la valada en oraziun: laldan, rengrazian y perian ince un por l'ater.
05.06.24 Dedemesaledema <i>Bonifaz, Igor, Ferdinand</i>		7.30 Mëssa y dedô Corona de ma dl ann + Filomena Clara, Brocia + Sepl Clara, Sanvi + + Paul y Zita Dapoz	- I jun cun le pinsier ai familiars y ai vijins y a chi che nes á perié da se recordé de d'ëi.
06.06.24 <i>Norbert, Kevin</i> Jöbia	8.30 pëiel ia la prozesciun de Jeunn	11.00 pëiel ia la prozesciun de Jeunn (l'ordinamënt é injunté ala plata)	- Ince chi che é restá a cíasa periunse da s'uní cun nos tl'oraziun en chisc dis da sëra pro la corona.
07.06.24 Vëndres <i>Cör de Gejú, Robert, Amadî</i>	18.30 Adoraziun chîta 19.00 Mëssa en onur dl Cör de Gejú a d'intenziun por benefaturs y jënt dla Ciasa de Palsa		- I jun cun le pinsier a nosta Ploania, a siur ploan y a duc chi che fej n sorvisc. I periun che Idî renforzes nosta comunité tla fede, tla speranza y tl amur, y i periun ince do vocaziuns.
08.06.24 Sabeda <i>Cör de Maria, Helga, Engelbert</i>	16.00 ca röiel adalerch la Prozesciun de Jeunn 18.30 Mëssa prefestia a d'intenziun siur Heinrich Videsott + + Nando y Hannele Flöss	13.30 ca. röiel adalerch la Prozesciun de Jeunn	- Liá ite tla prozesciun dles dodesc ploanies periunse por l'Unité Pastoralá dla Val Badia, ch'i imparunse da jí a öna y da combiné adöm i talënc, les forzes y les bunas idees di jogn.
09.06.24 FESTA DL CÖR DE GEJÚ	9.30 Adoraziun al Cör de Gejú 10.00 Mëssa solëna dl cör de Gejú y prozesciun eucaristica 3 ^a de sopoltöra de Anna Frenes Castl. + Giovanni Unterweger, dl ann + Rosalia Chizzali Ploner, dl ann + + Richard y Brigitte Di Palma consacraziun al Cör de Gejú	7.50 Adoraziun 1^a pert (pater Franz) 8.15 Mëssa solëna dl Cör de Gejú y consacraziun al Cör de Gejú dl ann + Sepl Chiusura dl ann + Maria Daporta, Grones + Anna Sotrovisch dl ann + Rudolf Moling dedô Adoraziun 2^a pert	- I jun cun le pinsier ala Dlijia de nosta Diozeja cun nosc Vësko Ivo Muser, a chëra ch'i se liun cun chësta prozesciun, jon sön le santuar da olach'al é pié ia la fede cristiana te nosc raibun.
 <p>Tl mëis de jügn periunse do l'intenziun dl Papa I periun che la comunité internazionala fejes vari concrec por eliminé la tortöra y le maltratamënt tles porjuns y ch'al ti vëgnes dé aiüt ales vitimes y a sües families.</p>			- I periun ince por la creaziun, do i früc dla tera y dl laur, ch'i gnunse stravardá da catastrofes y da veres y che Idî nes dëides vire tla pesc.